

TYSVÆR KONTROLLUTVAL

PROTOKOLL

Tysdag **19. februar 2019** blei det halde møte i Tysvær kontrollutval under leiing av utvalsleiar Arne Gjerde.

MØTESTAD:	Tysvær rådhus, kantina
MØTESTART/-SLUTT:	kl. 18.00 – kl. 19.45
MØTANDE MEDLEMMER:	Arne Gjerde (H), Øyvind Hellerslien (FrP), Åse Paulsen (A) og Karsten A. Larsen (FrP)
MØTANDE VARAMEDLEM:	1. varamedlem Marit Hølland Gjedrem (SP)
FORFALL:	Wenche Hellesund (V)
FRÅ SEKRETARIATET MØTTE:	Dagleg leiar/utvalssekretær Toril Hallsjø, Haugaland Kontrollutvalgssekretariat IKS
FRÅ REVISJONEN MØTTE:	Revisor/partner Roald Stakland, KPMG AS
FRÅ ADMINISTRASJONEN MØTTE:	Rådmann Sigurd Eikje Teknisk sjef Bjørn Bruaset i sak 2/19
MERKNADER TIL INNKALLING	Ingen
MERKNADER TIL SAKSLISTE:	Ingen

FØLGJANDE SAKER BLEI HANDSAMA:

SAK 1/19 GODKJENNING AV PROTOKOLL FRÅ MØTET 06.11.18

Sekretariatet si innstilling:

Protokoll frå møtet i Tysvær kontrollutval 06.11.18 blir godkjent slik han ligg føre.

Handsaming i kontrollutvalet 19.02.19:

Utvalet hadde ingen merknader.

Samrøystes vedtak i kontrollutvalet 19.02.19:

Protokoll frå møtet i Tysvær kontrollutval 06.11.18 blir godkjent slik han ligg føre.

SAK 2/19 KOMMUNEN SI HANDTERING AV AVFALLSAKER – GENERELT OG I EI KONKRET SAK

Sekretariatet si innstilling:

Tysvær kontrollutval tar rådmannen si utgreiing, dagsett 04.02.19 og orientering i møtet om kommunen si handtering av avfallsaker generelt og om konkret avfallsak på Odland industriområde til orientering.

Handsaming i kontrollutvalet 19.02.19:

Utvalsleiar innleia. Teknisk sjef orienterte fyrst om lovverket og så om konkret sak. Han viste til at kommunen dei siste åra har hatt miljøvernleiar i full stilling. Kommunen er avhengig av tips og desse kan vere anonyme. Dei prøver fyrst å komme i dialog, men har sanksjonsmynde etter forureiningslova. Dei har fått betre rutinar, som også er skrivne ned, knytte til bål-brenning av avfall og spreing av gjødsel utanom sesong. Slikt blir meldt og politiet har gjeve bot der det ligg føre klare bevis.

I den konkrete saka ville teknisk sjef i dag ha gått direkte på grunneigar, som er han som har ansvaret, ikkje leigetakar. Dei har fått laga eit juridisk notat om dette og vil følgje opp saka. Han var samd i at det hadde gått svært lang tid, mellom anna pga. rådet om å søke Miljødirektoratet om midlar og at saka kunne vore handtert på ein betre måte.

Utvalet kom med spørsmål om oppsamling av bilvrak og anna skrot. Rådmannen nemnte døme frå nabokommunane, men viste til at den sterke eigedomsretten i Noreg går føre omsynet til visuell forsøpling og bygningsmessig forfall. Kommunen kan berre gripe inn ved fare for liv og helse. Ved spørsmål om oppfølging av saker blei det vist til at dei blei registrert i sak/arkivsystem på dei aktuelle eigedommane.

Utvalsleiar reagerte på at saka var unntatt offentlegheit og på lukking av møtet i teknisk styre. Hovudregelen er at møta er offentlege, og det må visast til særleg lovheimel med rett nr. i kommunelova § 31. Han viste også til Forvaltningslova § 13A nr. 3 som seier at teieplikta etter § 13 ikkje er til «*hinder for at opplysningene brukes når ingen berettiget interesse tilsier at de holdes hemmelig, f.eks. når de er alminnelig kjent eller alminnelig tilgjengelig andre steder.*» Teknisk sjef og rådmannen framheva at opplæring innan dette regelverk var sær viktig. Utvalsleiar gjorde framlegg om nytt punkt 2 til innstillinga. Utvalet støtta hans framlegg.

Samrøystes vedtak i kontrollutvalet 19.02.19:

1. *Tysvær kontrollutval tar rådmannen si utgreiing, dagsett 04.02.19 og orientering i møtet om kommunen si handtering av avfallsaker generelt og om konkret avfallsak på Odland industriområde til orientering.*
2. *Kontrollutvalet viser elles til Sivilombudsmannen si utgreiing av 07.11.18 under referatsaker vedr. saksbehandlingsreglar i samband med lukking av kommunale møte, og ser det som sjølvsagt at nemnde saksbehandlingsreglar for folkevalde blir følgde.*

SAK 3 /19 KONTROLLUTVALET SI ÅRSMELDING FOR 2018

Sekretariatet si innstilling:

Tysvær kontrollutval godkjenner årsmelding for 2018.

Tysvær kommunestyre tar årsmeldinga for 2018 frå kontrollutvalet til orientering.

Handsaming i kontrollutvalet 19.02.19:

Sekretær gjorde merksam på at etter utsending var det gjort rettingar under pkt. 3 og 5. Rette rekneskapstall var lagt inn og utvalsleiar si deltaking i Sandnes var tatt ut. Utvalet slutta seg til innhaldet, slik det no var lagt fram.

Samrøystes vedtak i kontrollutvalet 19.02.19:

Tysvær kontrollutval godkjenner årsmelding for 2018.

og innstilling til kommunestyret:

Tysvær kommunestyre tar årsmeldinga for 2018 frå kontrollutvalet til orientering.

SAK 4/19 REFERAT- OG ORIENTERINGSSAKER 19.02.19

1. Statusrapport pr. februar 2019
2. Orientering v/rådmann om Tiltaksplan etter rapport – «Internkontroll av barnevern-tjenesten og samarbeidende tjenester i TK» - sak til KST 12.02.19, sak 5/19
3. Orientering v/revisor – status for forvaltningrevisjonsprosjektet innan pleie og omsorg
4. Teneste 1100 Kontroll og revisjon – rekneskap 2018
5. Årsrapport og skatterekneskap 2018 - skatteoppkrevjaren i Tysvær kommune
6. Fylkesmannen i Rogaland – Informasjon om statleg tilsyn med kommunane i 2019
7. HIM IKS – protokoll frå representantskapsmøtet 28.11.18
8. Haugaland Brann og redning IKS – protokoll frå representantskapsmøtet 28.11.18
9. Karmsund Havn IKS – protokoll frå eigarmøtet 28.11.18
10. Haugaland Vekst IKS – protokoll frå representantskapsmøtet 21.12.18
11. Haugaland Kraft AS– protokoll frå representantskapsmøtet 21.01.19
12. Sivilombudsmannen om lukking av møter i kontrollutval
13. Tilbakemelding frå Haustkonferansen i Sandnes 22.11.18 v/Gjerde
14. Tilbakemelding frå Kontrollutvalskonferansen 30.-31.01.19 på Gardermoen v/Paulsen
15. Revisjonsavtalen – bruk av opsjon eller ny anbudsrunde – til uttale – frist 01.04.19
16. Kommunal rapport -31.01.19 – «Forvaltningsrevisjon utvikler lokaldemokrati»
17. Rapport frå FM tilsyn - samfunnstryggleik og beredskap i Tysvær kommune des.2018
18. Skatteetaten – kontrollrapport 2018 vedk. skattekvjaren for Tysvær kommune

Handsaming i kontrollutvalet 19.02.19:

Kontrollrapport frå skatteetaten var sendt ut i forkant, og utvalet slutta seg til at den blei tatt inn som nr 18.

Rådmannen viste til ekspertgruppa si rapport om barnevernet og orienterte om den politiske handsaminga av tiltaksplanen. Det hadde vore størst debatt i formannskapet, som resulterte i to nye punkt og oversendingsframlegg. Formannskapet si innstilling i kommunestyret 12.02.19. Planen skal no følgjast opp, og han meinte dei var på rett veg til å bli betre. Utvalet meinte det var bra med korte fristar, og at det hadde kome noko bra ut av det heile.

Sekretær gjorde greie for dei andre sakene. Paulsen orienterte frå NKRF-konferansen, som også denne gongen hadde vore lærerik og interessant. Igjen var det journalister som var invitert til å fortelje om sine saker, slik som Tolga-saka og Boligbygg-skandalen i Oslo.

Rådmannen kunne opplyse at ekstraintektene frå havbruksfondet er vurdert øymerka til betre mobil- og breibanddekning. Kommunen var no ferdig med kartlegging og vil gå ut å be om tilbod. Dette var viktig å få på plass av omsyn til beredskap og kommande demografiutfordring.

Samrøystes vedtak i kontrollutvalet 19.02.19:

Kontrollutvalet tar referatsakene 1 - 18 til orientering.

EVENTUELT

Ingen saker blei meldt eller tatt opp.

Neste møte: tysdag 21. mai 2019, kl. 18.00

Førebels saker: årsrekneskapen 2018, forvaltningsrevisjonsrapport «Kvalitet og ressurs-effektivitet innanfor pleie- og omsorgstenestene», oppfølging av rapport «Økonomistyring» og rapport »Investeringar – avgjerdsgrunnlag og styring» og revisjonsavtalen – bruk av opsjon eller ny anbodsrunde.

Aksdal, 19. februar 2019

Arne Gjerde (sign.)
Kontrollutvalsleiar

Toril Hallsjø (sign.)
Utvalssekretær